

欽定石渠寶笈三編

欽定石渠寶笈三編

延春閣藏二

高宗純皇帝御筆

臨董其昌古柏行并圖

丁卯冊

皋塗精舍詩李世倬繪圖

丁卯軸

摹唐寅梅花仕女圖

丁卯軸

賜唐侃詩

丁卯軸

點筆生春

丁卯冊

書復卦

一卷
丁卯

臨趙孟頫書麻姑仙壇記

一冊
丁卯

凌寒清景

一冊
丁卯

桃花寺八景詩

一冊
丁卯

節書養生論

一卷
戊辰

臨米芾尺牘

一軸
戊辰

臨蘇軾帖

一軸
戊辰

臨王羲之三帖

一卷
己巳

石林精舍詩

一軸
已巳

畫花果

一軸
庚午

祈穀齋居詩

一軸
庚午

燕九日詩

一軸
庚午

靈濟祠詩

一軸
庚午

番馬圖

一卷
庚午

靜寄山莊詩

一軸
庚午

咏桂詩

一軸
庚午

秋英詩

庚午軸

桃花寺偶題詩

庚午軸

畫桂花

庚午軸

清谿漁隱圖

庚午軸

梅竹雙清圖

庚午軸

臨倪瓚畫譜

庚午冊

畫香山寺

庚午卷

畫漢柏

庚午卷

登半天樓詩

一軸
庚午

畫果蔬

一卷
辛未

移竹詩

一軸
辛未

竹谿雪意

一軸
辛未

仿楊補之梅花

一軸
辛未

畫雪竹

一軸
辛未

歲朝圖

一軸
壬申

倣宋人歲朝圖

一卷
壬申

臨王羲之六帖

一冊
壬申

臨董其昌倣諸家書

二冊
壬申

暖一律

一軸
壬申

臨王羲之三帖

一冊
壬申

臨王羲之獻之九帖

一冊
壬申

畫柳塘鳬浴

一軸
壬申

御園即景

一軸
壬申

臨爭坐帖

一軸
壬申

書韓休喜雨賦

一冊
壬申

墨梅

一軸
壬申

臨王羲之二十帖

一冊
壬申

畫秋葵花

一軸
壬申

畫雞冠花

一軸
壬申

駐蹕靜寄山莊詩

一軸
壬申

畫盤山樓橘

一軸
壬申

遐矚樓詩

一軸
壬申

得概軒詩

一軸
壬申

高宗純皇帝御臨董其昌古柏行并圖 一冊

本幅高麗鏡光牋本七對幅皆縱六寸一分

橫三寸九分

御筆臨董其昌行草書並識

古柏行 持見續編

丁卯仲春臨其昌鈐寶二落紙雲烟乾隆御筆末

幅左

御畫古柏鈐寶一研露

鑒藏寶璽寶笈三編石渠寶笈所藏

高宗純皇帝御筆皋塗精舍詩李世倬繪圖 一軸

本幅紙本縱二尺六寸二分橫一尺五寸設
色畫林容蔥蒨山勢迴環精舍數楹繞以欄
楯款臣李世倬恭繪鈐印二李世倬

御筆行書

山椒卜築傍僧庵一室虛明萬景涵暮靄朝嵐常
自寫橫峯側嶺盡來參杏花已放嶸山色桂子還
飄寶月醺遊歷每教成小憩天然佳句座中探丁

卯暮春五日遊玉華寺皋塗精舍有作 精舍琴
書精清卿筆墨清適來成勝趣因命寫詩情春入
山無滓風過樹有聲不須論董巨粉本谷神呈越
日李世倬奏事來即命寫前詩意復作一首并書
之幅間御筆 圖寫皋塗著壁懸偶來即景賞雲
煙誰知常住舍中者已閱人間二十年丁亥仲春
月上澣御題 曾是皋塗命寫真林仍羅落嶺嶙
峋獨憐盤礴為圖者却已多年作古人己丑清和

御題

玉池

御書樂林泉鈴寶一乾隆御筆

軸內分鈴

寶璽會心不遠得佳趣叢雲乾隆幾暇怡情乾隆宸
翰一幾暇臨池乾隆御覽之寶游六藝圃摘藻為
春

鑒藏寶璽寶笈三編石渠寶笈所藏

高宗純皇帝御筆摹唐寅梅花仕女圖 一軸

本幅紙本縱三尺五寸橫一尺八寸九分

御筆水墨畫並題

蹁躚彼美詠西方新樣唐宮闈掃粧環珮風清明
月下不因梅朵也生香 丁卯春月偶摹唐寅梅
花仕女戲題以句鈐寶三乾隆筆端造化

軸內分鈐

寶璽靜寄山莊

五福五代堂古稀天子寶八徵耄念之寶

太上皇帝之寶摘藻為春游六藝圃含毫邈然

鑒藏寶璽寶笈三編石渠寶笈所藏

高宗純皇帝御筆賜唐侃詩一軸

本幅宣紙本縱五尺三寸四分橫二尺四寸

五分

御筆行書

百戰歸來志未磨卻耽小隱意如何
臨泉興寄倚蘭操築室情同安樂窩
幽賞漫隨孤鶴去劇譚常喜野人過
一揮應令四山響覲面真師黠益多
唐侃善琴頤老西山之麓丁卯六月遊聖感寺道

經其廬題以賜之御筆鈐寶三德日新所寶惟賢
乾隆御筆

鑒藏寶璽寶笈三編石渠寶笈所藏

高宗純皇帝御筆點筆生春 一冊

本幅金粟牋本摺裝十二幅皆縱四寸九分
橫七寸三分

御筆水墨畫一迎春二桃花三杏花四牡丹五石榴
六荷花七秋葵八木樨九菊花十山茶十一
水仙十二梅花並分題行書

迎得好春緣底事千花百卉任爭芳
幅一信風廿四
休誇巧管領春光是此花
幅二脈脈難傳徒畫筆盈

盈不盡是芳思

幅三

洛陽日暝風和候比似劉家未

足倫

幅四

乍如有火然珠樹莫漫無香議海棠

幅五水

月鏡光觀幻色清歌一曲御湖中

幅六

試擬本來參

面目誰教葉綠更花黃

幅七

花開為報新秋信葉密

剛承宿露灑

幅八

最愛三秋經雨洗定知重九冒霜

開

幅九

卉譜有時傳蜀種春風無處不唐花

幅十

一例

清風明月下仙人遙在水晶宮

幅十一

恰如老幹孤

山側不負年年捷報春丁卯新秋偶寫并拈近年

句題之御筆

幅十二

冊內分鈐

寶璽乾隆日監在茲會心不逮德充符研露一重得佳

趣寫生乾隆宸翰一重幾暇臨池墨雲樂天內府珍

祕幾暇怡情一重成性存存潑墨筆端造化叢雲浴

德漱芳潤絜矩煙雲舒卷古香太璞涵虛朗鑑

鑒藏寶璽寶笈三編石渠寶笈所藏

高宗純皇帝御書復卦 一卷

本幅金粟牋本縱七寸四分橫二尺七寸

御筆楷書復卦

經文不錄並識

乾隆丁卯長至齋居御筆鈐寶二乾隆宸翰觀天地生物氣象

引首

御書一陽初鈐寶一乾隆御筆

卷內分鈐

寶璽靜宜園八徵耄念之寶愛竹學心虛抑齋

鑒藏寶璽寶笈三編石渠寶笈所藏

高宗純皇帝御臨趙孟頫書麻姑仙壇記一冊

本幅宣紙本五對幅皆縱七寸三分橫二寸九分

御筆臨趙孟頫書麻姑仙壇記顏清臣撰

不全錄並識

顏書謹嚴中有斌媚趙書斌媚中有謹嚴非心摹手追未易領取宜香光欽服嘆觀止也乾隆丁卯嘉平御臨於養心殿之三希堂因題入冬望雪甚殷昨日陰雲密布引領卜度殊難為懷今日對

雪揮毫與三希妙蹟相映又一快矣 小年夜櫺
魯公石榻本竟覺子昂以藻麗取勝者終遜一籌
重華宮再題

冊內分鈐

寶璽乾隆激觀得佳趣德充符幾暇怡情

古希天子

四重壽

四重八徵耄念之寶

四重

宸翰典學勤政

樂天研露追琢其章日監在茲千潭月印落花滿
地皆文章體仁菑畲經訓涵虛朗鑑成性存存叢

雲半榻琴書愛竹學心虛慎修思永履信思順中
和絜矩大塊假我以文章進德修業旰食宵衣虛
衷激照激芳潤務時敏朝日輝墨雲興民用勤用
厥中煙霞舒卷人情為田章志尊仁翌太和讀書
依竹靜和順積中茹古含今浴德修辭立誠衆花
勝處松千尺垂露

五福五代堂古稀天子寶八徵耄念之寶

太上皇帝之寶圓明園寶

鑒藏寶璽寶笈三編石渠寶笈所藏

高宗純皇帝御筆凌寒清景 一冊

〔本幅宣紙本四對幅皆縱六寸二分橫三寸九分右幅〕

御筆水墨畫一竹石二水仙三古木寒鴉四梅花並

分題行書

宜人葉鎖窗前色入畫竿敲枕上聲

幅一

窗影新蟾

姿更好卻疑叢下素姝來

幅二

抗懷擬謝柴桑老不

與凡柯共向榮

幅三

一枝借得堪離俗半晌看來只

合閒丁卯季冬三希堂幾暇涉筆

幅四

左幅臣工敬題

修篁作態疏還整。掃空晴翠含秋冷。居然百
尺記。簷簷廣庭落月留餘影。脩脩清露釀

仙毫。片片琅玕戛玉霄。坡老壽星何處是。數竿重看

放新梢。臣汪由敦敬題。鈐印二臣由敦敬書

墨雲著處影重重。青士高標野鶴蹤。分寸
具參霄漢勢。淺深如寫兩煙容。虛心愛爾中

非絮直節從他友是松引鳳翔鸞

天意遠羅浮丈二謾誇龍臣莊有恭敬題鈴印二臣

恭數竿清有餘墨妙契老可篆籀古法存
珊立含婀娜寒梢雲影碧瘦倚石骨青悠
然與竹化寫意不寫形瀟湘煙乍合中有
蒼龍尾晴窗風雨聲疑逐春雷起臣嵇璜敬
題鈴印二臣璜仙人冰雪膚綽約藐姑射
凌波展微步冷艷照寒碧淡墨結幽芬霏霏

落瑤席湘竹與灋蘭差堪共標格臣汪由敦
敬題鈐印同前姑射前身是靈妃洛浦逢
天然塵塏表何處覓仙蹤秀外高羣品黃
中默自持玉昆相倚立膏沐謝凡姿臣莊有
恭敬題鈐印同前冰雪為襟玉有神未離
色相已離塵仙姿稱是瑤池客祇許寒梅競
早春彷彿淩波微步來採珠拾翠影徘徊
春松秋菊評量處應費陳思八斗才臣嵇璜

敬題鈐印同前

古木瘦偏勁寒鴉倦尚飛

蒼然秀平楚歷歷帶斜暉
黯淡含真趣蕭疏識化機
看來春意足不待闢芳菲
臣汪由敦敬題鈐印同前

亭亭鐵幹飽霜華肯舞西
風媚晚斜珍重翔禽相伴意
帶將晴旭上枝極不染凡榮
不受摧獨留真氣在根荄
吳江楓落秋聲急春向

仙毫筆底回

臣莊有恭敬題鈐印同前

寒山一抹

橫煙蕪。盤鴉作陣。接翅呼虬龍。僵立森髯鬚。
銅柯鐵幹。冰凝膚。叢篁翠倚清而姝。華確怪
石相撐扶。傲然似是山澤臞。中有元氣老不
枯。營邱以後。無此圖。造化在手。誰能摹。臣拙
璜敬題。鈐印同前。雪後園林半樹。逋翁好
句如仙。爭似瓊葩瑞葉。

化工點筆生妍。暗香掩冉苔徑。明月橫斜。水邨消
得扶筇覓句底。須曳履攜尊。臣汪由敦敬題。

鈴印同前。南枝初受東風新。歲寒能回天
地春。老幹墨色根似鐵。風餐雪虐不可折。乃
知神仙吏不凡。空諸色相精華含。傍竹何妨
更臨水。味外之味澹如此。臣莊有恭敬題鈴
印同前。

清賞憐標格。圖真香影中。妙叅三昧訣。占取一番風。
枝瘦月初挂。花疏雪半籠。舊傳和靖句。題品
恐難工。臣嵇璜敬題鈴印同前。

前副葉

御書中有真意

冊內分鈐

寶璽得佳趣幾暇怡情激觀會心不遠比德朗潤乾

隆宸翰重研露得象外意

古希天子

天恩八旬靜宜園

五福五代堂古稀天子寶八徵耄念之寶

太上皇帝之寶

鑒藏寶璽寶笈三編石渠寶笈所藏

高宗純皇帝御筆桃花寺八景詩一冊

本幅宣紙本十二對幅皆縱四寸四分橫三寸

御筆行書

桃花寺八景以題為韻 澄澄滙鑑池淙淙出乳

穴始訝古琴鳴乍惜明珠裂聲色攢攢地坐對兩

清絕積素在高峯是復湧晴雪右湧曾聞峯有

驚不數溪稱雪洗鉢走白龍之而振髯鬣復如延

津劍駘然出其匣底須憶佳廬愛茲小九疊

右小九疊

倚松架三楹屏風抱其外山靈茯苓潤風古笙

簧會偶來坐白晝為我吹解帶是地可消夏旦夕

吟清籟

右吟清籟

虛窓納萬景攬結供吟翰寫霧出

我楹歸雲入我慢觸目契靜悟妙偈無全半卻愛

考功詩開襟坐霄漢

右坐霄漢

有桃即武陵何必尋

源上忘俗即丹臺何必求方丈虛齋古而朴福地

蕭且爽得彼環中妙樂此雲外賞

右雲外賞

清泚呈

圖照虛明向遠天無山遠戶外有水到塔前氣合

煙霞潤聲諧竹柏傳塵纓無可濯坐對滌襟泉

右滌

襟泉藉松為繖蓋掃苔作茵席俯眺一川白平臨

衆駁碧時聞猿鶴聲而無車馬蹟得句即書之恰

是點筆石

右點筆石

山川果有奇圖畫真難敵複嶺

翠且丹壺天間其寂消閒臨晉帖習靜觀周易物

物皆達摩面我繡雲壁

右繡雲壁

丁卯嘉平月御筆鈐

寶二漱芳潤乾隆宸翰

鑒藏寶璽寶笈三編石渠寶笈所藏

高宗純皇帝御筆節書養生論 一卷

本幅宣紙本。縱一尺三寸三分。橫二丈一尺。

御筆草書並識

善養生者清虛靜泰。少私寡欲。知名位之傷
德。故忽而不營。非欲而彊禁也。識厚味之害
性。故棄而弗顧。非貪而後抑也。外物以累心
不存。神氣以醇白獨著。曠然无憂患。寂然无
思慮。又守之以一。養之以和。和理日濟。同乎

大順。然後蒸以靈芝。潤以醴泉。晞以朝陽。綏以五絃。無為自得。體妙心元。忘歡而後樂足。遺生而後身存。若此以往。恕可與羨。門比壽王喬。爭年何為其無有哉。

乾隆戊辰夏六月節養生論一段。即仿宋德壽字體書之御筆。鈐寶三。奉三。無私所寶。惟賢。乾隆御筆。

引首

御書妙體自然。鈴寶一。乾隆御筆。

鑒藏寶璽寶笈三編石渠寶笈所藏

高宗純皇帝御臨米芾尺牘一軸

本幅金花牋本縱四尺二寸四分橫一尺八寸。

御臨米芾行書烝徒帖全文並識

戊辰秋日御臨鈐寶四德日新乾隆御書
鑒藏寶璽寶笈三編石渠寶笈所藏

高宗純皇帝御臨蘇軾帖 一軸

本幅金花牋本縱四尺三寸八分橫一尺八寸九分

御筆行草書並識

琅然清圓誰彈響空山無言惟翁醉中知其
天月明風露娟娟人未眠荷蕢過山前曰有
心也哉此賢醉翁嘯詠聲和流泉醉翁去後
空有朝吟夜怨山有時而童巔水有時而迴

川思翁無歲年翁今為飛仙此意在人間試
聽徽外三兩絃醉翁操東坡居士書

乾隆戊辰重陽御臨鈴寶四德日新乾隆御書
鑒藏寶璽寶笈三編石渠寶笈所藏

高宗純皇帝御臨王羲之三帖一卷

本幅宋牋本縱九寸一分橫一尺六寸一分

御筆草書臨王羲之政七十每念謝生三帖

帖文並不錄並

識

己巳季夏御臨鈐寶二乾隆御筆落紙雲煙

引首

御書神契山陰鈐寶一乾隆御筆

鑒藏寶璽寶笈三編石渠寶笈所藏

高宗純皇帝御筆石林精舍詩一軸

本幅宣紙本縱二尺八寸橫一尺二寸

御筆行書

三間敞白屋萬笏列青瑤少坐消塵慮興言託朗
霄天花雲外落仙樂柏間飄不必天台畔依然過
石橋 己巳杪秋石林精舍作鈐寶三乾隆御書
鑒藏寶璽寶笈三編石渠寶笈所藏

高宗純皇帝御筆畫花果 一軸

本幅紙本。縱二尺三寸橫一尺四寸。

御筆淺設色畫梅花水仙百合諸景物並書庚午春
帖子

玉管春調律銀螳雪告豐今朝上林樹鳴喜向東
風東陸新迎候西川早洗兵駢祥欣歲稔布治
順民情節先午年三宿至春將寅日一齊來綵
屏底更裁吳錦殿樹裝花綻古梅例事晨趨京

兆尹佳詞歲擬翰林官撫辰願協陽和德實政寧
惟詔旨寬庚午春帖子詞四首立春日在己巳
歲除前三日御筆並書鈐寶二乾隆

軸內分鈐

寶璽

五福五代堂古稀天子寶八徵耄念之寶天地為師
奉書道趣生與物皆春

鑒藏寶璽寶笈三編石渠寶笈所藏

高宗純皇帝御筆祈穀齋居詩 一軸

本幅宣紙本。縱五尺二寸五分。橫二尺二寸。

御筆行書

發歲祈靈

大享壇齋居清夜未云闌。惟幾永念。欽惟命。自省何能強自寬。莅政久虞。敷政忽閱。人多覺識。人難所希。

鴻貺綏豐。屢粗與吾民共治安。庚午新春。祈穀齋。

居作御筆鈐寶二。乾隆宸翰。陶冶性靈。
鑒藏寶璽寶笈三編。石渠寶笈所藏。

高宗純皇帝御筆燕九日詩 一軸

本幅宣紙本縱三尺四寸九分橫一尺六寸

御筆行書

燈夕度逡巡仙踪紀此辰
自來傳燕九都為惜華春
節物年增富風光日又新
堂堂閱駒隙脈脈感著薪
庚午燕九日作御筆鈐寶二惟精惟一
乾隆宸翰

鑒藏寶璽寶璽笈三編石渠寶笈所藏

高宗純皇帝御筆靈濟祠詩 一軸

本幅宣紙本縱四尺七寸二分橫三尺三寸九分

御筆行書

靈邱疏遠派廣利濬通渠惟此田功要庶因民氣
舒崇祠瞻像設便道憩幽居壁有前題字年光默
想餘庚午春仲御題鈐寶二乾隆宸翰陶冶性靈
鑒藏寶璽寶笈三編石渠寶笈所藏

高宗純皇帝御筆畫番馬圖 一卷

本幅宣紙本縱九寸五分橫九尺五寸

御筆墨畫番馬及旃廬人物牛羊橐駝並識

唐胡瓌番馬圖久已膾炙藝林幾暇展玩惜其寫物傳神猶有不到者彼固想像為之而非出真知灼見者予東巡吉林北駐上都於所為拂廬弓矢之宜牧息漁獵之狀日考究而觀賞之故約畧成此圖以誌漠陞風物非欲與古人爭長也山木素

匪所工故令董邦達捉刀 乾隆庚午皋月上浣
之二日圓明園畫禪室御識鈐寶二幾暇怡情得
佳趣 卷末款 臣董邦達奉

勅恭補山木鈐印二臣達

引首

御書漠陞風物鈐寶一乾隆宸翰

鑒藏寶璽寶笈三編石渠寶笈所藏

高宗純皇帝御筆靜寄山莊詩一軸

本幅金花牋本縱四尺七寸橫二尺

御筆行書

紆蹕駐山莊中秋過半強林姿疏間密峯態翠含
蒼出峽泉猶壯度松風已涼稍停謝公屐書史靜
徜徉庚午仲秋靜寄山莊作御筆鈐寶二所寶
惟賢乾隆御筆

鑒藏寶璽寶笈三編石渠寶笈所藏

高宗純皇帝御筆咏桂詩 一軸

本幅金花牋本縱四尺六寸四分橫一尺九

寸

御筆行書

垂垂金粟亞盆閒花信遲因待此間半放別來逢
盛放盤山卻幻作香山 庚午秋仲咏桂作鈴寶
二陶冶性靈乾隆宸翰

鑒藏寶璽寶笈三編石渠寶笈所藏

高宗純皇帝御筆秋英詩 一軸

〔本幅〕金花宣紙本縱四尺三寸五分橫二尺
御筆行書

秋英頗耐寒山中顏色好
丁星泣露光綽約亂雲
藻蝴蝶大於掌栩栩幽叢繞
所遇非世間應是煙霞表
雙成在瑤臺千年不知老
秋英一首庚午仲秋月御筆
鈐寶二所寶惟賢乾隆御筆

鑒藏寶璽寶笈三編石渠寶笈所藏

高宗純皇帝御筆桃花寺偶題詩 一軸

本幅宣紙本縱五尺七寸橫三尺一寸

御筆行書

山館當秋一再過。蜃牕眺遠暢懷多。詎耽野景抒
新句。且喜高田熟晚禾。階下泉聲吞松籟。雲間樹
色隱峯螺。縹緗插架閒。緇閱媿較羲皇治若何。
小築雲軒幽賞存。田盤明日駐山園。何妨少許勝
多許。不道無言超有言。風入單椒吟柏榭。露涼扁

石淨琴樽瀑飛九疊清音壯便欲因窮雲外源乾
隆庚午中秋後五日題御筆鈐寶二所寶惟賢乾
隆御筆

鑒藏寶璽寶笈三編石渠寶笈所藏

高宗純皇帝御筆畫桂花 一軸

本幅紙本。縱二尺五寸二分。橫九寸八分。

御筆水墨畫木樨一株並題

露重檻風涼。迎階綠間黃。中

去聲

秋先報節。隔歲入

吟章。一例皋塗種。偏依楚畹芳。誰曾到蟾窟。此處

滿天香。靜怡軒育桂。二叢金粟。衆衆偶擷一枝。

愛其香色都佳。輒仿前人寫生法圖之。並書近作

於右。庚午秋八月御筆。鈐寶三。乾隆幾暇臨池。

軸內分鈐

寶璽筆端造化入眼秋光盡是詩心清聞妙香洗盡
塵氛爽氣來游六藝園

鑒藏寶璽寶笈三編石渠寶笈所藏

高宗純皇帝御筆清谿漁隱圖 一軸

本幅紙本縱三尺一寸橫一尺五分

御筆水墨畫漁莊釣艇並識

乾隆庚午歲長至前五日偶摹李唐清谿漁隱卷
筆意於養心殿之三希堂鈐寶五乾隆集暇臨池
八徵耄念之寶天地為師

鑒藏寶璽寶笈三編石渠寶笈所藏

高宗純皇帝御筆梅竹雙清圖 一軸

本幅紙本縱三尺二寸橫一尺五分

御筆水墨畫梅竹並題

今秋問俗燕趙以南豫以北頗慰觀民富孽息浮
洛祠蒿諸務畢攀躋直攬華蓋峯尖碧吐罕淇澳
前迴蹕廣平後一時餘事寄翰墨卻喜攜得雙清
友旋歸溫室未踰旬日日來往吾心神似欲倩吾
寫生面不須假藉虬松鱗因檢石渠寶笈所葆秘

恰得吳王合作手蹟真。仲圭學得仙人縮地千里。
為咫尺。竟置清淇在几側。元章更以文貞鐵石肝。
腸作胸臆。居然鄧尉傳本色。明窓日嫩小陽春。是
一是二煩叅論。後來好事瑯琊君。雄材麗句驅紛
紜。我無元美便便經史麓。又謝吳王落筆光射屋。
乃今撫其合作賡其吟。翻媿當前對珠玉梅香竹。
韻揔道腴詞壇藝苑有是夫。都來薈萃成吾雙清。
圖窗外十八公省乎相看伯仲原不孤。元章仲

圭梅竹合卷並元美長歌足稱三絕一再展玩逸興勃發重仿其意覺清氣拂拂從十指間出因錄近題句並元美原韻于後以志雅尚庚午長至御識

野夫策杖邨南復邨北處處東君恠消息瞥然縞素一枝橫又見琳瑯數竿碧一枝春之先數竿冬之後俯仰天地間與爾成三友衡門掩卧不一句淇園大庾無精神樵青已侵

翠鳳尾。颺母吹散玉龍鱗。賴得吳鎮及王冕。
前與二友傳其真。虛堂展看僅盈尺。二友居
然侍吾側。問之不言對以臆。眉宇蕭蕭吐佳
色。吾不能學范詹事。西遣關中使。卻寄江南
春。消芳悴粉何足論。吾不能學家騎曹。不可
一日無所至。植此君封籬護。擇何紛紜二友
寓我麓。儼如洛下東西兩頭屋。一頭翦得瀟
湘雲。一頭小貯羅浮玉。鎮也九咽吞吐天漿。

腴冕亦磊砢。節目非凡夫。扶與清氣合。此圖快矣乎。快矣乎。此圖此友。吾不孤鈴。

六三幾暇怡情得佳趣。乾隆宸翰。

臣工恭和

丹宮西偏祕殿北軒開。三友供游息。宋元妙繪什襲珍。冷艷寒濤伴。瀟碧來歸寶笈。遇合緣非偶。

睿賞何分先與後。一夕洒墨圖出雙清標。早傍

玉皇香案聯嘉友。迴思嵩陽。

旋蹕方成句。韻事絡繹下筆疑有神。銅柯石根漢柏
傳古貌。奇樹詰曲夭矯欲動蒼龍鱗。茲圖天
趣口莫狀。生面陡詫風物真。當窗展軸裁數
尺。羅浮篋簪移峙研山側。重令衛詩宋賦縈
胸臆。仙袂舒芬倚翠色。王吳合璧幾百春。奔
州題句堪細論。

化工點染清客兼此君。盡掃從前藝苑空紛紜。不須

更羨一葉名蹟貯筠簾亦不須訪九里山邊
舊茅屋

天題磊落奎章光奪隋珠壓荆玉歲寒風格清而
腴命侶或召五大夫瑤軒從許添新圖肩排
伯仲其班乎同心之人臭味無愁孤臣梁詩
正恭和鈴印二臣詩正染翰洛水南潁水
北

勤民駐驛觀蕃息一時

天筆洒墨華蓋峯淋漓元氣添蒼碧是時小春月雪
前與霜後衛風竹映宋家梅彷彿補之定之
能事稱蘭友

鑒迴甫及旬相憶娛清神苔漠漠雲鱗鱗乃有王會
稽舊與梅花道人游藝傳其真臨撫

翠墨量尋尺清影雙雙研池側畫禪詩禪收取歸襟
臆題句弇州賞真色渭川慶嶺交枝春嘉植
要與中州論造化在手惟我

君。珊瑚鐵網舊蹟徒紛紜。梅馨竹靄出書簾。讀破萬
卷持遣雙清照吟屋。明年携向江南看梅比
琅玕竹勝玉。江南山水清且腴。煙梢處處栽
園夫。鄧尉雪海開新圖。矧復吟到西泠乎。
春篇不使孤山孤。臣蔣溥恭和鈴印二臣溥學畫
春從何來來自硯沼北。

天機盎溢無停息。一枝斜出數葉分。直壓萬樹寒香
千畝碧。今年

清蹕巡中州詩篇畫卷

宣示迴輦後。顧瞻淇澳經廣平。武公唐相堪尚友。攜
將雙清寶繪展。既凡幾句。蕭森具標格。洒落
餘風神。不數海粟。但賦十八公。雲濤戛擊蒼
龍鱗。

至入游藝自得象外趣。寧獨鋪瓊屈鐵妙逼真。不作
空庭月影長百尺。亦不作繁條亂蕊疏籬側。
一天冰雪貯清臆。萬古乾坤有生色。

化工點染衆彙春專家獨擅奚足論洋州一派記墨
君石湖譜牒徒紛紜舊聞合作曾入弇州書
畫簾想見幽賞高吟行繞屋長篇轉韻嚴品
目卻笑瓦礫拋來能引玉麥光徑尺

墨彩數鮮腴通神入聖如斯夫惜不令弇州仰瞻是
詩與是圖驚喜贊歎當復何如乎益幸元章
仲圭絕詣道不孤臣汪由敦恭和鈐印二臣
由敦敬書 河洛榮光忽起

溫室之硯北。畫家好手皆如燭火息。薈萃舊本抒新思。國香脈脈澹煙碧。

至人游藝林。恰在

秋省後。廣平淇澳佳處富流覽。

淵襟更向墨池得尚友。仲冬之月月一旬。興酣落筆筆不及凍。如有神。文貞之賦東坡記高韻。馥馥皴鱗鱗。故知造化吐納蘊深致。無心求契。往往面目皆逼真。山農畫梅不盈尺。道人畫

竹簫疏復敲側聊藉弇州放歌寫衿臆百年
鑒賞增顏色豈如

仙豪能回大地春篆籀古法直與文楊論姑射神人
三湘君點綴六花花紵紵妙涵畫筭與書麓

自

天題處雲連屋一幅真堪壓萬卷玳瑁雖滿積不抵
荆山之片玉江鄉風物清而腴霏霏千樹雪
森森十萬夫

春巡攬勝重寫圖。東南之美何幸乎。孤山處士應不
孤。臣嵇璜恭和鈐印。二臣璜。

軸內分鈐

寶璽

古稀天子八徵耄念之寶。化工四氣為全施。天地為

師

鑒藏寶璽寶笈三編石渠寶笈所藏

高宗純皇帝御臨倪瓚畫譜 一冊

本幅金粟牋本十二對幅皆縱七寸三分橫四寸四分前十幅右方

御筆臨倪瓚墨畫一二三幅竹木四幅竹五幅古樹六幅古松七八九十幅石左方

御筆分書倪瓚畫譜十一幅左右方俱書倪瓚畫論末幅

御識

二樹勢若戈戟大者為將小者為佐將佐得

宜行伍整肅畫理自得矣若專講士氣非初

學入門之道也

第一幅左方

大樹筆弱欲其嫩也

小樹筆老欲其古也大為正面小為側本初

學者不可不知畫樹須間以竹不必太工但

看晴樹則配以晴竹此竹上挺者是也

第二幅左方

此為蟹爪大者為老樹新枝小者為經霜

枯幹竹葉下垂乃雨後之景

第三幅左方

寫竹切

不可求精精則便有工氣余嘗寫竹枝而觀者問余為何樹余為一笑并圖於此不可法也

第四幅
左右

所謂疏者不厭其為疏密者不厭

其為密濃者不厭其為濃淡者不厭其為淡用墨隨意始見天真用筆遒勁乃是得法二樹俱一面一正一反布置時自當夾雜亦要隨景斟酌清雅自勝春則墨葉稠而濃夏則密而鬱秋則疏冬則落

第五幅
左右

寫松最易工

綴最難士氣必須率畧而成必分老嫩正反
雖極省筆而天真自得逸趣自多庸人終不
取雅士終不棄最之最之第六幅 左方凡寫石不
可用鈎法鈎則板隨手寫去似石則已要古
朴須少皴要秀麗須多染石腳可寫小石為
佐。隨地坡廣窄為之用墨濃淡正反寓焉石
紋內用點苔不可多綴二石上秀下樸取其
長棄其短毋自執一。皴法古人專用斧劈丁

香馬齒等法今人不能乃云古法有俗工氣
故專師李唐披麻法學而不能是為兩失余
二石雜用古今爾自體認第七幅左方丈山尺樹
古人不易之論也今人畫樹尺許山不滿尺
甚非畫理惟遠山亦通若近景則當寫殘山
半壁庶幾相稱此半壁下而以遠山相佐者
也第八幅左方二石專用披麻畧涉古法雖不盡
善倣而為之正合時尚第九幅左方顆石大小俱

時尚或點綴或佐以野竹隨意為之

第十幅
左方

耕當問奴織當問婢常譚也畫理豈余所當
言哉余甥華子文有志學畫問理於余余命
往問王叔明叔明乃文敏外孫得諸外祖者
必富也子文必欲余言且逼余圖譜以至情
不可辭少圖數幅與之先寫以樹樹為畫中
之首耳次寫以石石為畫中之體耳竹為畫
之餘畫完而興致未已則寫竹葉一二枝亦

足以助畫景。景界既定而樹木蕭疏雖多寫野竹不妨也。若點綴直須看石皴陰暗處稀稀輕點。若夏山秋樹密點不妨但求有理有趣可也。樹上藤蘿不必寫藤只用重點即似有藤一寫藤便有俗工氣也。如樹梢垂蘿不是垂蘿余里中有梓樹至秋冬葉落後惟存餘莢下垂余喜之故寫梓樹每以筆下直數條似蘿倒挂耳。若要亭屋任意於空隙處寫

一椽不可多寫。多則不見清逸。耳亭屋非竹。則小樹為護。始見不孤。至正十年八月十五

日。滄洲逸史寫并論。

第十一幅

倪迂畫在元四家中。稱逸品。當所謂不從門入者。其甥乃強之為譜。要非譚畫理者所能到。將輪扁斲輪。其謂口不能言者。固未始不可傳耶。然千載而下。不復知有華子文。而香光獨有妙契。子輿氏所云。不能使人巧。而能者從之。豈不信歟。冬夜乘

興快仿一過並錄圖說於右恍聽霓裳羽衣迴非
太常法曲所能譜但不規規形似作詩必此詩定
知非詩人迂叟或當為破顏一笑耳乾隆庚午嘉
平八日御筆

第十二
對幅

冊內分鈐

寶璽乾隆

一重

清心抒妙理月明滿地相思墨雲漱芳

潤即事多所欣心清聞妙香研露樂意寓靜觀垂
露萬有同春乾隆宸翰

二重

得象外意含經味道雲

霞思落花滿地皆文章寓意于物用筆在心意在
筆先搗藻為春煙雲舒卷叢雲幾暇臨池聊以觀
生意愛竹學心虛讀書依竹靜洗盡塵氛爽氣來
几席有餘香衆花勝處松千尺靜中觀造化至味
寓澹泊化工四氣為全施落紙雲煙忘機心字曠

古稀天子

重十一

鑒藏寶璽寶笈三編石渠寶笈所藏

高宗純皇帝御筆畫香山寺一卷

本幅紙本縱一尺五寸橫三尺

御筆墨畫林巒洞壑佛宇依巖並書

華輪西來走嵩嶽龍門中斷放清伊果然佳景無
窮盡潑眼驚看此最奇依巖古洞號賓陽乳竇
冬溫夏卻涼龍口噴成珠瀑落迦將學海一川長
畫舫撐過伊水平向來小坐白雲橫叢篁深處
飛欄外留我吟敲一晌情攀躋直到香山寺尋

徧殘碑可惜。生內翰書屏。猶述古一番讀罷見交情。香山為龍門勝境。重以白傳名蹟。輝映千古。今秋豫巡經此。留連久之。得五律二截句四歸而追憶為圖。書五律其上。寒夜乘興復寫此幀。并書四截。用志覽古懷賢之雅尚云。庚午嘉平月望日。御識。鈐寶三。乾隆宸翰。幾暇臨池。筆端造化。鑒藏寶璽寶笈三編。石渠寶笈所藏。

高宗純皇帝御筆畫漢柏 一卷

本幅紙本縱一尺二寸一分橫一尺六寸五分

御筆水墨畫嵩陽古柏並題

我曾快讀杜甫詩千秋絕作嘆莫比嵩陽今見漢
時柏學步吟懷不能已久與公孫並得名潁川嵩
岳近尺咫潁川馬鬣尚存無嵩岳龍身猶故爾世
人安得如汝壽休論二在一已燬是時雨後涼颼

起劉荏卉欽聲盈耳。金幢玉節舞其翩。瑞鳳祥鸞
集爰止。柏下平鋪金粟紙。寫形要欲寫其理。浮邱
伯周王子。風雨晦冥翔翔是。倘更逢之亦圖彼。
今秋巡豫。經嵩陽書院。見漢柏二株。其大者尤奇。
偉盤鬱爰題是篇。且圖之以歸。冬夜乘興復成此
圖。追溯前遊。亟更弦朔。再書原作。並誌歲月云。庚
午臘日御筆。鈐寶二。幾暇怡情得佳趣。

臣工恭和

嵩陽觀東柏五株。中有一株罕倫比。輪囷盤
鬱撐高空。颯颯天風鳴不已。森沈直接雲杳
冥。端倪莫與辨寸咫。漢武升中一過此。封大
將軍。標異爾。千秋玉簡已渺茫。此樹不隨幢
鼎燬。古春回斡枯枝起。千尺卅圍非信耳。
時巡撫蹟懷西京。不獨高山一仰止。

天藻飛傳洛陽紙。左紐復為圖。滕理郭忠恕。吳道子。
樓記畫像空傳是。玉局雙枝應勝彼。臣梁詩。

正恭和鈴印二臣詩正染翰
嵩陽書舍兩
株柏傑榦攢柯世無比竭達

時邁一經過吟賞摩抄情不已遠從炎鼎紀春秋幸
脫郢斤量徑尺蒼根入地知幾何黛色參天
今尚尔一株輪廣更崛奇鬼守神呵離劫燬
天風吹出鸞鳳吟化作嵩呼聲滿耳寫意真
窮

造化工傳誦旁瞻歎觀止之而健張森古紙堅皴細

入露密理岱宗秦大夫淇澳衛君子同調亦
各成其是歲寒之操寧讓彼臣汪由敦恭和
鈴印二臣由敦惜分陰墨海之而出虬翰
畫柏非將畫松比

宸襟自契古柏行況對嵩陽興何已少室峯高切太
空兩本擎雲去天咫東登泰山觀漢植今也
摩挲還復尔扶持正直感神明雷火千秋未
許燬一株寫得孤標起雲煙在手風在耳古

心自足葆其真翠色欲流不可止圖成題詩
重伸紙妙從畫理微物理鉅柏實叅柏子勝
因拈悟詎羨是點筆回春應過彼臣璜恭
和鈐印二臣璜筆露春雨

卷內分鈐

寶璽

古希天子八徵耄念之寶入眼秋光盡是詩

然藏寶璽寶笈三編石渠寶笈所藏

高宗純皇帝御筆登半天樓詩一軸

本幅宣紙本縱四尺六寸五分橫二尺三寸

御筆行書

三日山莊三度登坐來逸興總飛騰因知心是無
窮蘊恠底佛稱最上乘瀏莅天風吹萬竅條池雲
岫列千峻於今始識田盤妙拔萃鍾靈擅獨能
登半天樓又作庚午御筆鈐寶二乾隆宸翰陶冶
性靈

鑒藏寶璽寶笈三編石渠寶笈所藏

高宗純皇帝御筆畫果疏 一卷

〔本幅〕金粟牋本縱七寸八分橫一尺八寸六分

御筆墨畫采筍百合蘿蔔諸品並書辛未春帖子

玉律含韶令金鋪霽淑光

慈寧開六袞壽慶肇三陽 青輅復青旂行春三日
遶江南花共柳喜色待

萱帷 施惠早蠲三省賦勤民惟祝屢年豐靈臺太

史先陳瑞報到朝來風自東
迎年餘暇偶寫疏
筍數種以志春盤新色即書帖子詞三首於幅端
時辛未立春日也御筆鈐寶三幾暇怡情得佳趣
乾隆宸翰

卷內分鈐

寶璽五福五代堂寶八徵耄念之寶

太上皇帝之寶萬有同春几席有餘香化工四氣為

全施

鑒藏寶墨寶笈三編石渠寶笈所藏

高宗純皇帝御筆移竹詩 一軸

本幅金花牋本縱五尺八寸橫三尺一寸

御筆行書移竹詩

前已恭載

辛未中伏御筆鈐寶二乾隆宸翰陶冶性靈
鑒藏寶璽寶笈三編石渠寶笈所藏

高宗純皇帝御筆竹谿雪意一軸

本幅紙本縱一尺八寸橫九寸

御筆水墨畫雪竹並識

竹谿雪意辛未季秋齋居三希堂做郭畀法鈴寶
四乾隆落紙雲煙几席有餘香

鑒藏寶璽寶笈三編石渠寶笈所藏

高宗純皇帝御筆仿楊補之梅花一軸

本幅紙本縱二尺橫九寸六分

御筆墨畫梅花一枝並識

辛未陽月三友軒法楊補之筆意鈐寶六乾隆宸
翰幾暇臨池五福五代堂寶八徵耄念之寶

太上皇帝几席有餘香

鑒藏寶璽寶笈三編石渠寶笈所藏

高宗純皇帝御筆雪竹一軸

本幅紙本縱二尺七寸橫一尺四寸

御筆水墨畫修竹數竿寒禽棲雪並識

郭畀雪竹法辛未嘉平月製於長春書屋
鈴寶四
秀色入窗虛寓意于物含毫邈然與和氣游
鑒藏寶璽寶笈三編石渠寶笈所藏

高宗純皇帝御筆歲朝圖 一軸

〔本幅〕紙本縱二尺一寸一分橫一尺一寸八分

御筆水墨畫瓶中竹柏綴以仙芝百合烏桕並書壬申春帖子

壬日立新春重重吉並臻百昌欣律轉萬福自天
申 喧鳴臘鼓發韶妍遲日呆愚颺瑞煙屏綵祥
徵勝銀裏盤辛芳獻頌椒前 壬申春帖子詞二

首。並寫歲朝圖書之鈐寶二會心不遠德充符

臣工恭和

甲子週還始

璇闈積慶多東風初轉律敬獻萬年歌 奎文運啟

正當陽廣植菁莪雅化昌春榜桂花秋榜杏

自

天雨露發真香 臣蔣溥鈐印一臣溥 日永堯天麗

波融舜海寬鳳銜

丹詔下。寰宇共騰歡。四表雍熙治象成。

法宮行健體乾行。欲知省歲占風意。時屋苑檐廊屋。

情。臣介福。鈐印二臣福。香醞椒盤酒。羹調。

寶鼎梅。

慈寧春畫永。先進。

萬年盃。仰見洪鈞鼓鑄功。岸花隄柳待東風。欲知。

春色深多少。萬物都歸長養中。臣觀保。鈐印。

一觀保。玉琯條風麗。辛盤恰餞辛。青旗催。

臘鼓十日已先春 春暉早映萬年枝

長樂稱觴瑞旭遲 共慶仙萼添海屋重開

寶籙獻

瑤池 臣汪由敦鈐印二臣由敦敬書 萬象涵仁壽

三階朗太微

護庭新甲子長日藹春暉 十葉冬蕓積閏餘南枝

臘淺綵幡舒喜從歲德占雲物 壬養金穰總
可書 臣于敏中鈐印二臣中

軸內分鈐

寶璽

古希天子八徵耄念之寶

太上皇帝之寶游六藝圓落紙雲煙

鑒藏寶璽寶笈三編石渠寶笈所藏

高宗純皇帝御筆做宋人歲朝圖一卷

分
本幅金粟牋本縱八寸五分橫一尺七寸二

御筆墨畫如意栴檀合甌中浸柏枝並書壬申元日

詩

昔祚韶年此日開
敷天吉事與偕來
綵屏誌喜翔銀燕
綺室知春綻玉梅
協氣中和欽五位
從星風雨驗三台
貞元消息如環轉
省歲勤民又始哉

壬申元日試筆一律并仿宋人歲朝圖意鈐寶三
三希堂乾隆

卷內分鈐

寶璽妙蓮華室天地一家春含英咀華筆花春雨
鑒藏寶璽寶笈三編石渠寶笈所藏

高宗純皇帝御臨王羲之六帖 一冊

本幅金粟牋本。摺裝八幅。皆縱三寸九分。橫四寸九分。

御筆草書。臨王羲之知念大慶省飛白。致此阮生君

晚六帖。帖文不錄並識

壬申上元日。御筆臨右軍帖。鈐寶三。乾隆几席有餘香。

鑒藏寶璽寶笈三編。石渠寶笈所藏。

高宗純皇帝御臨董其昌仿諸家書 二冊

本幅金粟牋本二冊上冊十對幅下冊八對
幅皆縱一尺九分橫一尺

御筆行草書並識

羣賢畢至少長咸集此地有崇山峻嶺茂林
修竹又有清流激湍映帶左右引以為流觴
曲水列坐其次雖無絲竹管絃之盛一觴一
詠亦足以暢叙幽情是日也天朗氣清惠風

和暢仰觀宇宙之大俯察品類之盛所以遊
目騁懷足以極視聽之娛信可樂也夫人之
相與俯仰一世或取諸懷抱悟言一室之內
或因寄所託放浪形骸之外雖趣舍萬殊靜
躁不同當其欣於所遇暫得於己快然自足
不知老之將至及其所之既倦情隨事遷感
慨係之矣向之所欣俛仰之間以為陳蹟猶
不能不以之興懷況修短隨化終期於盡古

人云死生亦大矣豈不痛哉 唐褚河南臨
契帖白麻墨蹟一卷曾入元文宗御府吾鄉
張東海先生觀于曹涇楊氏之行澤樓蓋雲
間世家所藏也筆法飛舞神采奕奕可想見
右軍真本風流實為希代之寶余得之吳太
學每以勝日展玩輒為心開至於手臨不一
二卷止矣苦其難合也昔章子厚日臨蘭亭
一卷東坡聞之以為從門入者不是家珍東

坡學書宗旨如此趙文敏臨契帖最多猶不
至如宋人紛紛聚訟直以筆勝口耳所謂善
易者不譚易信然戊申元正之四日臨家藏
唐摹契帖於瑞環樓董其昌然則大教之
興基乎西土騰漢庭而皎夢照東域而流慈
昔者分形分蹟之時言未馳而成化當常現
常之世民仰德而知遵及乎晦影歸真遷儀
越世金容掩色不鏡三千之光麗象開圖空

端四八之相於是微言廣被拯含類於三途
遺訓遐宣導羣生於十地然而真教難仰莫
能一其旨歸曲學易遵邪正於焉紛紜所以
空有之論或習俗而是非大小之乘乍沿時
而隆替有元奘法師者法門之領袖也幼懷
貞敏早悟三空之心長契神情先苞四忍之
行松風水月未足比其清華仙露明珠詎能
方其朗潤故以智通無累神測未形超六塵

而迴出。隻千古而無對。疑心內境。悲正法之
陵遲。栖慮元門。慨深文之訛謬。思欲分條析
理。廣彼前聞。截偽續真。開茲後學。是以翹心
淨土。往遊西域。乘危遠邁。杖策孤征。積雪晨
飛。途間失地。驚沙夕起。空外迷天。萬里山川
撥煙霞而進影。百重寒暑。躡霜雨而前蹤。
聖教序為小王書。蓋懷仁自倣右軍。黃長睿
以為右軍劇蹟咸萃其中。非也。余得唐時絹

本真跡故知之最確董其昌識 足下時事
少可數來主人相尋下官吏不東西未委若
為言乘足下不返重遣信往問願知心素
日書知足下故羸疾間觸暑遠涉憂不可言
吾故羸乏不具王羲之白 僕近修小園子
殊佳致菓雜藥深可致懷也 吾前東粗云
作佳觀吾為逸民之懷久矣足下何以方復
及此似夢中語耶無緣言面為歎書何能悉

得都下九日書見桓公當陽去月九日書
久當至洛但運遲可憂耳得仁祖廿六日問
疾更委篤深可憂當今人物眇然而艱疾若
此令人短氣 鄱陽書停諸遣奉去月問承
婦等復不能差深憂慮耳 獻之極熱敬惟
府君此月內得書來時幾同得希此消息極
悶極悶君中復如何想牒不能潰意甚無賴
君有好藥必時復與府中多少極濟事耶二

王帖董其昌臨 家姪至承法師道體安居
深以為慰耳復聞久棄塵滓與彌勒同龕一
食清齋六時禪誦得果已來將無退轉也奉
別儵爾逾卅載即日遂良鬚鬢盡白兼復近
歲之間嬰茲草土鷓鴣之志觸緒生悲且以
即日蒙恩驅使盡生報國塗路近止無由東
帶西眺於邑悲罔更深因姪還州慘塞不次
孤子褚遂良頓首和南

冊上

昔之三河徙殖九畹移根開花建始之殿落
實睢陽之園聲含嶰谷曲抱雲門羽雛集鳳
比翼巢鷺臨風亭而唳鶴對月峽而吟猿乃
有拳曲擁腫盤坳反覆熊彪顧盼魚龍起伏
節登山連文橫水蹙匠石驚視公輸眩目雕
鐫始就剗劇仍加平鱗鏟甲落角推牙重重
碎錦片片真花紛披草樹散亂煙霞若夫松
子古度平仲君遷森梢百頃槎枿千年秦則

大夫受職漢則將軍坐焉莫不苔埋茵壓烏
剥蟲穿。低垂於霜露。撼頓於風煙。東海有白
木之廟。西河有枯桑之社。北陸以楊葉為關。
南陵以梅根作治。小山則藜桂留人。扶風則
長松戲馬。丙寅正月晦書其昌拙於生事。
舉家食粥來已數月。今又罄竭。祇益憂煎。惠
及少米。實濟艱勤。故令陳告也。右顏魯公借
米帖。陰寒不審。太保所苦。已損為慰。病妻

服藥須少鹿脯有新好者惠及數片文殊贊
猶未獲望於文書細檢也右顏魯公鹿脯帖

蓋太上有立德其次有立功是之謂不朽
抑又聞之端揆者百寮之師長諸侯王者人
臣之極地豈不以才為世出功冠一時開
府垂明於宋室澤州考績於國朝道素相承
世傳儒雅尚矣夫其果行修潔斯文彪蔚邪
不照乎移華龍驤乎雲路公山正禮策高

足於前。冲與太真嗣家聲。於後昔余作郡平
原。拒胡羯而請與從事。掌銓吏部第甲乙而
超升等夷。江月絃當作魄。秦淮頂潮。君行句
溪。正及春水。勗哉之子。道在何居。魯郡公顏

真卿叙

思翁臨顏平原書於其沈鬱頓挫處。寂為得力。亦
幾於入木三分矣。御題

元豐六年十月十二日夜。解衣欲卧。月色入

戶欣然起行念無與樂者遂至承天寺張懷
民亦未寢相與步於庭中庭下如積水空明
水中藻荇交橫蓋柏竹影也何處無月何處
無竹柏但少閒人如我兩人耳 此生真欲
老墻陰卻掃都忘歲月深拔薤已觀賢守政
折蔬聊慰故人心風流賀監常吳語憔悴鍾
儀獨楚吟治狀兩邦俱第一潁川歸去肯重
臨詩一首呈文之便毀之切告切告東坡

揚清歌發皓齒北方佳人東鄰子且吟白紵
停綠水長袖拂面為君起寒雲夜卷霜海空
胡風吹天飄塞鴻玉顏滿堂樂未終館娃日
落歌吹濛絃歌興罷拂衣還棄米何嘗有俸
錢恩自大鈞能遂物只應訪藥是優賢中岳
外史米元章

香光書陶鑄各家於二王尤能脫盡官帖窠臼得
其神髓其出入顏米殆與之化矣展卷輒為神往

故數臨之壬申首春御筆

冊下

冊內分鈐

寶璽心清聞妙香游六藝圓圭璋文府摘藻為春洗
盡塵氛爽氣來陶冶賴詩篇箇中自有玉壺冰筆
花春雨清心抒妙理情賞為美含經味道至味寓
澹泊漱芳潤敲詩凡下周旋久煙雲舒卷即事多
所欣經史研求遵古訓用筆在心吟詠春風裏含
味經籍落紙雲煙得象外意乾隆宸翰

鑒藏寶圖寶笈三編石渠寶笈所藏

高宗純皇帝御筆暎一律 一軸

〔本幅宣紙本〕縱三尺六寸九分橫一尺五寸
御筆行書

清暉氣向融。景淑古盤中。染徧楊絲綠。催齊杏蕊
紅。嵐光方淡蕩。雲影忽西東。欲換春衫未。還防松
下風。暎一律壬申仲春月御筆鈐寶二所寶惟
賢。乾隆御筆

鑒藏寶璽寶笈三編石渠寶笈所藏

高宗純皇帝御臨王羲之三帖 一冊

本幅金粟牋本。摺裝八幅。皆縱三寸九分。橫四寸七分。

御筆章草書。臨王羲之度德亮曰江東三帖。

帖文見續編

並識

此三則皆武侯傳中語。而閣帖誤分為三。又以後一則為大令書。前人辨之甚詳。因合臨為一冊。時壬申二月也。御筆鈐寶五。乾隆宸翰。幾暇臨池取。

益在廣求萬有同春用筆在心

鑒藏寶璽寶笈三編石渠寶笈所藏

謹案度德帖亮曰帖舊列化閣卷五標古法帖江東帖舊列卷十標王獻之書

御欽定重刻淳化閣帖列三帖於第十無名氏書識孤不度德量力以下三帖皆諸葛亮傳中語草

草並同顧或作古帖或標獻之尤為失考今悉訂正歸一仰見

睿鑒之精數也

高宗純皇帝御臨王羲之獻之九帖 一冊

本幅金粟牋本摺裝十二幅皆縱四寸一分
橫八寸六分

御筆草書臨二王時事遠涉小園吾前欲東適得數

使獻之不審旦夕九幅

帖文不錄

並識

節臨二王書壬申清明御筆鈐寶三。乾隆宸翰得
象外意即事多所欣

鑒藏寶璽寶笈三編石渠寶笈所藏

高宗純皇帝御筆畫柳塘鳧浴 一軸

本幅紙本縱一尺五寸橫一尺二寸四分

御筆墨畫柳陰下一鳧浴水並識

壬申上巳日寫於池上居 春江水暖鴨先知之
句最為善體物情會此乃寫生上乘鈐寶六乾隆
宸翰齊物寫生

古稀天子八徵耄念之寶含毫邈然

鑒藏寶璽寶笈三編石渠寶笈所藏

高宗純皇帝御筆御園即景 一軸

〔本幅〕金粟牋本縱八尺一寸橫四尺四寸

御筆行書

春霖達曙勢廉纖怪底朝寒料峭添雲斂長空直
北望居庸玉積數峯尖一篙春水漲清漪欲泛
蘭舟意轉遲猶憶常年方待澤瞻雲頻蹙兩眉時
恰報庭前綻海棠弄珠風韻膩人芳情誰扶起
嬌無力今日真看出浴裝江南春月鮮逢晴今

歲燕山候頗更最愛煙航凌北渚適如明聖畫中行
攢團未下又徐垂風勢飄來濕玉絲正喜麥
牟增秀發迴看花樹總華滋
壬申暮春兩後御
園即景御筆鈐寶二乾隆

鑒藏寶璽寶笈三編石渠寶笈所藏

高宗純皇帝御臨爭坐帖 一軸

本幅金粟牋本。縱二尺七寸。橫一尺七寸。

御筆行書。

蓋太上有立德。其次有立功。是之謂不朽。抑
又聞之。端揆者百寮之師長。諸侯王者人臣
之極地。豈不以才為世出。功冠一時。

壬申三月御臨。鈐寶三。深心託豪素。政在救民。乾
隆御筆。

鑒藏寶圖寶笈三編○石渠寶笈所藏○

高宗純皇帝御書韓休喜雨賦 一冊

本幅金粟牋本二對幅皆縱二寸五分橫一

寸八分

御筆行楷書並識

喜雨賦韓休 聖人調玉燭握金鏡乘正陽
而馭六氣之辨考中星而授四時之命所以
平三階而齊七政惟十有六祀日躔於南紀
火德方盛炎燠自始主上問飛候之或失微

驕陽之所起。未明求衣。當食昃。晷恐六事之
害政。引萬方而罪已。乃設禋燎。奠椒醕。豈巫
史之紛若。惟誠德之是與。稽元穹以誓期。樂
形影以增佇。善言既發。靈應無越。天垂貫斗
之雲。神召離星之月。有滄淒淒。南山朝隣。林
鳴陰鳥。澗隱晴霓。九光之霞冠於雲。日五色
之氣映於巖。豁始攢團而未下。終颯灑而俱
齊。合散縈直。紛飛驟息。肇自千畝。周於八極。

及乎公田我私長我黍稷我箱既萬我庾維
億人咸謂之神功爾孰知夫帝力若乃拂珠
箔含綺䟽微霧氣於金掌採香煙於玉除下
碧雲而陰合滴銅池而響餘君王乃倚雲閣
憑兩殿臨清暑奏繁薦欣大德之在生知上
靈之有睹於斯時也一人有慶萬國歡心羣
臣獻華封之壽天子御薰絃之琴昭宸文於
合璧式王度其如金乾道兮下濟湛恩兮汪

滅四三皇分六五帝于胥樂分萬千歲
壬申三月時雨既霑適得此烏絲牋即景書韓賦
取其字合非以文也鈐寶二古香太璞

後幅

御製憶昔

詩前已
恭載

款乾隆乙卯臣董誥奉

勅敬書鈐印二臣誥

卷內分鈐

寶璽

太上皇帝之寶五福五代堂寶
古希天子含輝八徵耄念之寶

鑒藏寶璽寶笈三編石渠寶笈所藏

高宗純皇帝御筆畫墨梅一軸

本幅金粟牋本縱一尺七寸橫七寸八分

御筆墨畫梅一枝並識

壬申初庚製於御園之池上居鈐寶四乾隆宸翰
幾暇臨池天地為師摘藻為春

鑒藏寶璽寶笈三編石渠寶笈所藏

高宗純皇帝御臨王羲之二十帖 一冊

本幅金粟牋本摺裝十二幅皆縱六寸七分
橫七寸五分

御筆草書臨王羲之徂暑月半長素知念母念謝生
時事參朝前從寒切前過皇象遠婦阮生君
晚遠嘉數日得告小大丹楊二十帖
帖文並不錄
識

壬申中伏御臨鈐寶四三希堂乾隆宸翰得象外

意在筆先

前副葉

御書神規書聖鈐寶一 乾隆御筆

冊內分鈐

寶璽

五福五代堂古稀天子寶 八徵耄念之寶

太上皇帝之寶 圓明園寶

鑒藏寶璽寶笈三編 石渠寶笈所藏

高宗純皇帝御筆畫秋葵花 一軸

本幅紙本縱一尺八寸橫九寸四分

御筆墨畫秋葵花一枝並題

梳風翠羽翻承露金盤潔堪作素秋朋豈為清齋
折壬申七月朔日寫鈐寶四乾隆寫生天地為師
鑒藏寶璽寶笈三編石渠寶笈所藏

高宗純皇帝御筆畫雞冠花一軸

本幅金粟牋本縱三尺四寸橫一尺二寸九分

御筆墨畫雞冠花一本並題

濃艷當秋別作春籠烟泣露自精神笑他絳績標
名字茆店何曾解報晨沈石田有寫意此圖秋
卉繞階輒想像其意為之並書舊作於右壬申七
夕鈴寶四叢雲掬水月在手如是觀心清聞妙香

臣工恭和

點染秋姿欲鬪春。花冠翠羽恰傳神。涼催碧
樹曉牕寂自艷。風清露白晨。臣梁詩正恭和
鈴印二臣詩正染翰。陳倉獵後過宜春。點
染秋花筆有神。底用汝南催報曙。

玉階涼露滴蕭晨。臣董邦達恭和鈴印二臣邦
達。誰道秋花不似春。花經

仙藻頗能神。曉風吹處月初墮。疑有雄聲鳴向晨。臣

裘曰修恭和鈴印二臣裘曰修敬書墨華
秋灑豔於春飛動關生妙入神彷彿扶桑麗
仙掌一枝承露倚初晨臣于敏中恭和鈴印二

臣敏中

鑒藏寶璽寶笈三編石渠寶笈所藏

高宗純皇帝御筆駐蹕靜寄山莊詩 一軸

本幅金粟牋本縱四尺一寸五分橫一尺七寸

御筆行書

歲事別吉宮。紆蹕駐仙境。尋幽藉散懷。即目聊探景。今年來兩度。前度夢幻等。可以悟空空。何必猶耿耿。冬山露本色。雪瀑垂峭冷。諤諤聞松濤。萬慮一以屏。屬詠亦已多。茲遊欲靜領。 壬申十月駐

蹕作鈐寶二四時佳興與人同乾隆宸翰

鑒藏寶璽寶笈三編石渠寶笈所藏

高宗純皇帝御筆畫盤山樓橘 一軸

本幅紙本縱四尺八寸橫二尺四寸

御筆水墨畫盤山樓橘一本並識

盤山樓橘壬申冬月寫生鈴寶五乾隆宸翰筆端
造化靜寄山莊含經味道繪事後素

鑒藏寶璽寶笈三編石渠寶笈所藏

高宗純皇帝御筆遐矚樓詩 一軸

本幅金粟牋本。縱二尺六寸。橫一尺二寸。

御筆行書

宇空千里近。樓迴一牕虛。坐久塵氛遠。曠懷寄太
初。溪田圍綠野。樂事在桑麻。一幅幽風景。凭高
玩歲華。涵元朔風通。松檜鏡光中。南望仙壺景。
蓬瀛不在東。雕甍煥蚪龍。飛閣連雲漢。芸編散
古香。樂此不知倦。林空帷乍捲。冰合鏡逾明。登

覽非娛目憑觀萬物情
遐矚樓五絕句
壬申御

筆鈐寶三乾隆宸翰
指遠辭文陶冶性靈

鑒藏寶璽寶笈三編
石渠寶笈所藏

高宗純皇帝御筆得概軒詩一軸

〔本幅蠟牋本縱四尺四寸橫一尺九寸〕

御筆行書

每到靈區意欲仙。四隣山秀望中全。雲端曠興軒
疑畫。樹杪高低圃是懸。巖柏翠常標古色。林花放
不入時妍。東坡大畧觀無盡。明月清風我與然。
得概軒作。壬申御筆。鈐寶二所寶。惟賢。乾隆御筆。
鑒藏寶璽寶笈三編。石渠寶笈所藏。